

雷
峯
塔
傳
奇

自叙

雷峯塔傳奇從來已久不知何人所撰
其事散見吳從先小窗自紀西湖志等
書好事者從而撿拾之下里巴人無足
道者歲年亦

朝廷逢

璇闈之慶普天同忭淮南商得以恭襄

盛典大學士大中丞高公語銀臺李公令
商人於祝

設新劇外開演斯劇祇候承應余于觀察
徐環谷先生家屢經寓目惜其按節擗
擗之上非不洋洋盈耳而在知音緝閱
不免攢眉辭鄙調謔未暇更僕數也因
重爲更定遣詞命意頗極經營務使有

碑世道以歸于雅正較原本曲改其十
之九賓白改十之七求草煉塔祭塔等
折皆點竄終篇僅存其日中間芟去八
齣夜話及首尾兩折與集唐下場詩悉
余所增入者時就商酌則徐子有山將
伯之力居多旣成同人繆相許可欲付
開雕余笑曰不能獨出機杼徒爾拾人

牙慧世有周郎必不顧之矣吳子鳳山
曰吾家梨花撰畫中人本于范篤部之
夢花酣療妬羨取諸風流院實擅出藍
之譽夫臭腐可化神奇黃金點於瓦礫
而何蹈襲之嫌且原本所在多有識者
自能辨也遂爲點按行之是塔實吳越
王妃所建又名黃妃塔旁有白蓮寺嘉

靖時燬于火宋禪師鎮壓白蛇事其有
無蓋不足論云

乾隆辛卯冬月新安方成培仰松甫識

題辭

匡峯陳迹付斜陽情緒遊絲百尺長但
使曲終能奏雅卮言何害近荒唐

綵紛樂部沸滃龍舊譜聊將筆削加壁
壘一新精采異知君握內有靈蛇

隱菴汪宗澠題

不共金元鬪色絲偶然拈出亦成奇未

知誰是知舊者竿木逢場老古椎
曾向西冷幾度過蓮披岳聳剩嵯峩今
宵自把紅牙按莫向樽前喚奈何

有山徐德達題

紅豆傳來近記取烏絲幾疊權放下孤
山鶴夢斷橋殘雪幻跡有如湯問棘妍
詞應比雲穿月認斜陽無語晚峯前踈

鐘歇 情與怨旃檀塔迷和悟優曇鉢
便夸堅志怪不处重說舞袖乍低新節
族筆鋒斬盡陳籐葛喜筵前一曲起梁
塵幽悰豁

右調滿江紅 鳳山吳士岐題

雷峯塔傳奇目錄

卷一

開宗

付鉢

出山

上塚

收青

舟遇

訂盟

避吳

設邸

獲賊

卷二

遠訪

開行
夜話
贈符
逐道
端陽
求草

卷三

療驚

虎阜

審配

再訪

樓誘

化香

謁福

卷四

水

圖

斷

橋

腹

婚

重

謁

煉

塔

歸

真

塔

叙

祭

塔

捷

婚

佛

圖

雷峯塔傳奇卷一

岫雲詞逸改

海棠巢客點

第一齣 開宗

臨江仙末上西子湖光如鏡淨。幾番秋
月春風。今來古往夕陽中。江山依舊在。
塔影自凌空。多少神仙幽怪相傳故。

老兒童休疑艷異類齊東。妄言姑妄聽。
聊復效坡公。

問荅照常

沁園春再世菩提白蛇妖孽宿有根
源恰附舟巧合兩相心許贈金陡起
官事顛連迆避姑蘇蛾眉俯就旅邸
花筵遂宿緣神仙廟笑書符相贈道
者迤邐原形醉露牀前急驚死良

人寶可憐、覓嵩山仙草、艱難救轉寶
巾遺禍、遭捕誰愆、鐵甕仇離、金山水
鬪、一鉢妖光不復燃、雷峯祭、感佛恩
超度、千古永留傳、

覓配偶的白雲姑、多情喫苦
了宿緣的許晉賢、薄倖拋家
施法力的海禪師、風雷煉塔

感孝行的慈悲佛懺度妖蛇。

臨江仙引子。渾括大綱。清空一氣如
銅丸走坂。洵是絕妙好詞。舊本或以
羣獸尊者演說家門。大失體裁。

第二齣 付鉢

仙 憶帝京。維十六尊者上。靈鷲岩巖聳。
碧霄雨。天花旃檀共飄。伏虎尊者引虎。
上 笑指牛哀化。還悟輪迴道。衆 試看那
寶蓮臺高。談說深微妙。無憂樹下任逍
遙。鷲子三車會了。說甚風幡動。與搖龍
舞。上 降龍尊者上。收龍介。衆 妙阿禪心。

不。把。毒。龍。饒。香。清。功。德。水。玉。磬。靜。中。敲。

淨釋迦文佛李天王韋馱隨上

點絳唇。鷲嶺莊嚴。千花五葉靡窮盡。好
悟三身。示汝恒河性。衆拜介

淨空卽是色。色卽是空。要知非色非
空。須觀第一義諦。誰識無文無字。是
爲不二法門。吾乃釋迦牟尼文佛。是

也于毘嵐後現清淨身自無始來出
廣長舌揚法舸救迷津騰漢廷而皎
夢持慧燈燦長夜照東域以流慈珠
纓大士常登護法之筵金杵神王每
夾降魔之座今日慧眼照得震旦我
嶺山有一白蛇向在西池王母蟠桃
園中潛身修煉被他竊食蟠桃遂悟

苦脩迄今千載不意這妖孽不肯皈
依清淨翻自墮落輪迴與臨安許宣
締成婚媾那許宣元係我座前一捧
鉢侍者因與此妖舊有宿緣致令增
此一畚孽案但恐他逗入迷途忘却
本來面目吾當命法海下凡委曲收
服妖邪永鎮雷峯寶塔接引許宣同

歸極樂、法海何在、外應上。

點絳脣、四忍三空、刹那彼岸、功夫到、極樂逍遙、早悟拈花笑。

弟子法海、緣拜有何金旨、淨我這空門、廣大法力、無邊初歸、香阜只須虔念彌陀、靜發慧根、何難立登般若、今有捧鉢侍者、許宣業、以宿緣、遭彼白。

蛇迷其真性，汝今可往東土，速指歸元。毋教墮落外，領法旨。

油葫蘆，吾佛慈悲，惠澤饒慧，眼目開垂。照許宣呵，你可也戒了貪，喫除煩惱，無邊苦海，回頭早。急忙裡誦彌陀，把罪孽消。守清規，將因緣覺，笑人間是非顛和倒。做盡了南柯夢，裡空歡笑。須索聽長。

鷄唱罷暮鐘敲

天下樂

我想那白蛇呵，可惜他千載焚

脩也，那一旦拋多也，波，妓本是妖，這的

是人妖，宿有苗，却如何戀塵囂，直恁的

甘墮落，何不去悟真空，及早換皮毛

鵲踏枝，淨並不是爲傳衣，降碧霄了前

因醉絳桃，這粉骷髏，幻是神妖，那孽菩

提宿有情苗，纔走出火輪車，脫離苦惱。
又撞入黑罡風，吹落皮毛。

淨護法神將我鉢盂付與法海者，維
應介淨你看我這鉢盂外週四際能
結萬緣貯水于中，卽成甘露將此擎
妖原形立現。

哪吒令愿焚脩念牢，感優曇夢繞把邪。

魔頓消、拂塵埃、果苗有緣、士未覺、這法
鉢因付託、覷着他似月、于江照、用不盡
的妙理、中包

我有寶塔一座、高不盈尺、中奉萬佛
羣妖見之、無不戰慄、今付于汝、外領
佛旨

寄生草、頂禮浮圖下、遙瞻雲影高、望蓮

臺不散的香風繞觀法相無限的金光
罩聽鐘鳴早把那妖氛掃正如龍似象
法力果然豪皈依莫待輪迴到

淨這妖蛇雖然不守清規却因許宣
原有宿緣故令汝前去待他們孽緣
完滿之日點悟許宣奉我法寶收伏
此妖鎮于雷峯塔底永鎮妖氛再撻

許宣點悟大道引他同歸淨土以戒
正果外謹依法旨淨去罷外弟子就
此拜辭去也淨衆吹打下

煞尾外看俺纔離紫極霄又踏紅塵道
好把那孽案勾銷須將這真元相保萬
里乾坤錫杖挑向人間走遭祇把那小
雷峯天生的妙景又重描

醍醐法味洒何濃。虛綸

四鉢須臾現一重。陸龜蒙

若信貝多真實語。李商隱

禪心高臥似踈慵。李洞

世尊登壇爲世俗耳目所習見。今一
另開生面。欲存其舊也。然以佛起必
須以佛結之。佛圓一。齣意本于此。

第三齣 出山

仙浪淘沙淨龍虎兩脩持。慎守防危。空
山誰爲剖元機。流水花開都妙悟。臥看
雲飛。

夙仰真仙第一流。世間名利事悠悠。
他年得預瑤池會。不在平生勵志修。
貧道乃黑風仙是也。本結仙胎。心懷

大道但我雖脩功行未能列入仙班、
須要忍性煉魔、久後方成正果、這也
不在話下、貧道有一義妹、名曰白雲、
仙姑向在西池蟠桃園中潛身脩煉、
今到此峩眉山連環洞中養成氣候、
道術無窮、近因他欲往塵凡度覓有
緣之士、咳、仙姑、只怕你有戀紅塵、

將來正果難成了也罷待他出來時
不免將言苦勸阻他前往便了

前腔

旦嵐影濕雲扉臥雪餐芝偶因花

落點鉢衣忽憶塵凡春色好出岫休遲

淨仙姑且道兄稽首淨答禮介請坐

旦有坐淨仙姑想你在洞府脩真堅

心參悟料不久成真矣旦多蒙過獎

道兄在上，愚妹有一言相告。淨不知
仙姑有何見諭。旦愚妹觀此紅塵勝
景，錦繡繁華，意欲往凡間度覓有緣
之士，到此同脩。今日暫別，道兄前往。
不知可使得否。淨仙姑聽我一言分
剖，想你遠隔凡囂，久耽幽靜，何必自
入紅塵。又遭纏擾，還請三思。旦多蒙

道兄相勸、但我去意已決、斷難改移、
淨仙姑阿、

繡帶兒 覷凡塵、人生能幾、你脩煉正當、
今日爲甚麼、動着一點凡心、反撇下、
載根基、**旦**愚妹決意要去、**淨**你休疑脩、
真養性、誰堪比、**旦**此去不過度、覓有緣、
之士、**淨**那凡夫如夢、怎拋擲、**旦**背唱我

心兒裏有宿緣未舒難道是少機謀不能前去

淨那凡夫俗子、祇曉得貪戀榮華富貴、怎肯到此修真、你一入紅塵、悟我、怕有去無回、那時悔之晚矣、請細思之、

醉太平 你道俗緣容易、恐後悔重聚難

期且道兄說甚話來。淨願伊休去。你欲去吾愁不美。且我藏形度覓有誰識。淨還頌三思。且我欲行你休阻滯。我到塵寰自解應變隨機。

淨我也曉得你道術非凡。隨機應變。但依愚兄看來。到底是不去的。是且承兄相勸。我意已決。不必阻我。淨既

是去心難挽、請問此行何往、**且**愚妹
此夫只在臨安、**淨**歸期何日、**且**多則
一載便回、**淨**仙姑你此去須要藏形
度、寬不可傷害生靈、若度得有緣之
士、須早早回山、**且**謹領道兄尊教、就
此拜別、**淨**愚兄也有一拜、

哭相思

且

偶愛繁華往帝畿

淨

未知何

日是歸期。且此去暫且分攜耳。淨我。只
怕一片閒雲去下迴。

且道兄說那里話。請回罷。淨不送了。

且下

雲飛天末水空流。劉滄

右室烟含古桂秋。李郢

自昔稻梁高鳥畏。陸龜蒙

君子此外更何求之元微

遺詞命意務期與人相稱總在不卑
不亢之間慘澹經營大都如是解人
自能理會箇中從花落說到出山深
達十二因緣之義

第四齣 上塚

調望吾鄉。生上意緒闌珊。英年滯市廛。
生涯何處飛蓬轉。時乖拗煞男兒願。漫
說志沖霄漢。顧行業每自憐辜負吾家。
月旦。

朝中措。清明時節雨聲譁。潮擁渡頭。
沙翻被梨花冷看。人生苦戀天涯江。

山信美非吾土。游玩總堪嗟。折得一
枝楊柳。歸來插向誰家。小生姓許名
宣。表字晉賢。嚴州桐廬人也。標森玉
樹。正當入洛之年。跡類轉蓬。猶作依
劉之客。其奈椿萱早背。家業漂零。秦
晉未諧。隻身無靠。祇有一個姐姐。嫁
與錢塘李君甫。我姐夫在縣中當充

馬快雖處公門頗稱好義見我一身
落魄百事無成薦我到鐵線巷王員
外生藥舖中生理雖非長策暫且安
身今日值清明佳節天氣晴和欲往
爹娘墳上祭掃一番少伸罔極之思
有何不可

行介

桂枝香柳開青眼桃舒笑面歲華佳到

三分人事愁邊一半灰。飛作蝶。灰飛作蝶。吾生可嘆。你看今日多少人家祭掃。與儻簫鼓何等熱鬧。只我可影形單。飄揚空有志。清宵祇汗顏。

說話之間不覺將次到了。遙望那林子就在前面。不免趨行一步者。

清明日出萬家烟。

王表

郊外紛紛拜古壇。郭鄆

且向錢塘湖上去。白居易

野棠風墜小花鈿。張仁寶

雖處公門頗稱好義八字早爲避吳
捷婚兩齣埋根此是文家關鍵勿忽
畧看過

第五齣 收青

仙點絳唇丑上吐霧興雲天生伎倆誰
能量變化無方大澤威名廣

上應天星秉翼精盤身掉舌勢崢嶸
啣珠盡足尋常事竚看飛騰變化成
我乃千年脩煉青青是也向居海島
不記歲年祇因風雨大作偶然來此

西湖此間有水族萬餘俱歸吾掌日
裏與孩子每爲伴夜間在雙茶坊巷
裏王府空宅內安身靜則採取日月
之精華動則魔惑羣生之元氣以圖
將來脫此皮毛脩成仙道孩兒每好
生看守洞府不得胡行俺向外邊走
一遭來者內應介呀出得門來你看

好不熱鬧也。正是紅紫陣前春正好。
妖魔隊裏我爲尊。下。

南

懶畫眉。日上芳塵紫霧繞。氛氲細步。

凌空暗起雲。萬花如繡翠。繽紛行行。遙望錢塘近。

貧道乃白雲仙姑是也。爲覓有緣之士。來到臨安。只是無處藏身。聞得雙

茶坊巷有所空房，乃襄王府的宅院，甚是幽雅。有一青青在彼，不免前去收伏，以便藏身。度覓來此，已是不免。逕入，果然好一所房屋也。

怎得個人兒共掩門。

丑上：「咳，何方孽怪，擅敢探吾巢穴。且我乃白雲仙姑是也，汝是何妖魅。」

敢來問我。**丑**俺乃千年脩煉青青是也。**旦**徒你不過小小青蛇、轍敢霸住于此、速離此間、方保性命。**丑**潑怪休得無禮、俺來擒你也。**戰介****丑**跌**旦**欲斬介。**丑**小畜有眼不識大仙、望乞饒恕。**旦**既如此、姑饒汝命。**丑**起介請問大仙何來。**旦**貧道從峩眉山到此、欲

度有緣之士祇是少一隨伴、你可變
一侍兒、相隨前往、不知你意下如何、
丑願隨侍左右、**旦**既如此、你且變來
我看、**丑**待俺更變便了、**下****貼上**欲覓
有緣士、悄變有誰知、大仙可變得好
麼、**旦**好、今後主婢相稱、喚名青兒便
了、你在此多年、必知何處游、人最盛、

貼此處湖上遊人頗多。旦如此可隨

我到西湖去來。貼曉得旦更衣介

香柳娘合聽簷前鳥啼聽簷前鳥啼悄

把翠裙擡起一路上花香清細風兒遞

看春雲漸低看春雲漸低楊柳綠初齊

韶光麗如此動游人偷覷動游人偷覷

旦有緣何處那人來未

日玉面紅粧本姓秦

宋之問

三陽麗景早芳晨

元宗皇帝

貼得成蝴蝶尋花樹

元稹

梳子同心好贈人

韓翃

白氏本屬子虛青兒原不必求其恰
合今仍舊本機杼而潤色之究竟落
想不高然亦無庸另譜

第六齣 舟遇

中呂 過曲 泣顏回 丑 搖船遊生上 生 綠柳遶
迴廊無限景光駘蕩惜花心性似游絲
空際悠揚

我許宜今日清明佳節往爹娘墳止
祭掃而歸你看湖光似鏡車馬如雲
好不可愛爲此喚小艇慢慢地一路

游西湖去丑搖船唱杭州歌評介

〔生〕看雕鞍駿馬會王孫貴戚多歡暢。倒
金樽沉醉花前聽笙歌十里畫塘下。

貼隨旦上貼娘娘看脚下。

換頭旦輕移蓮步芳心癢急追隨飛度
錦塘。

青兒我看那些游人盡是凡夫俗子。

祇有方纔祭掃墳墓的那生風流俊
雅道骨非凡若得相遂奇緣不在奴
家來此貼娘娘看他獨坐在舟我每
如何得近他呢且不妨待我頓攝驟
雨那生必定停舟那時和你上前祇
說附舟你須要隨機應變貼曉得且
作起風雨介

合于紅萬紫濕清芬一時爭放。**生**丑上
丑好大雨阿**生**陰晴無定。一霎時漸漸
颼颼傾盆益益。

丑官人這里歇船哉。**生**使得**丑**讓我
帶好子纜。**船**船家你每往那里去的。
丑到草橋門去。**船**船家草橋門是順
路可搭了我每去。**丑**使勿得我船裏

有位官人，勿便介。**貼**你看這等大雨，又無處躲避，煩你對船內官人說，望行方便，則個。**丑**是哉，讓我問看官人。岸上有兩位標致堂客，也要到草橋門去的，順便搭子去罷。**生**何妨？天上人間方便第一，快請他每下來。**丑**是哉，兩位娘娘，官人肯哉，等我打子扶。

手下船來。**貼**娘娘待青兒先上船去。
爲東君了却宿緣。且上船冲介生扶且
作羞背唱介你漫盼行雲打疊停當。

貼娘娘我每就在此間站一站罷。**生**
二位小娘子外邊風雨甚大請到艙
中來。**貼**這是官人叫的寶舟怎好有
僭生說那里話還是請到裏面坐。**貼**

娘娘既蒙官人美情，我每暫且進船
去。旦青兒與我多多致謝官人。貼曉
得官人我家娘娘多多致謝。生此須
小事，何謝之有。請坐了。旦中途遇雨，
幸附寶舟，得免狼狽，實荷高情。生豈
敢。旦請問官人上姓。生小生姓許，名
宣，表字晉賢。旦尊居何處。生在鐵線

巷中貼請問宅上娘娘今年多少年
純了。**生**小生祇爲家貧尚未婚娶。**貼**
聘是聘下的了。**生**唔也還未。**貼**娘娘
官人這等青年還是形單影隻可怪
那月下老人太不均勻了些。**生**姐姐
請問你家娘娘上姓。**貼**我家娘娘麼
是原任杭州白太守的小姐先老爺

在日將我家娘娘招贅于此。**生**尊居
何處。**貼**在薦橋雙茶坊巷。裘王府隔
壁。**生**原來是位千金小姐。失敬了。**旦**
不敢。**生**小姐想是踏青而回。**貼**不是。
祇爲祭掃我家姑爺墳墓。**生**咳。原來
你家姑爺去世可。**旦**官人聽稟。**生**願
聞。

黃龍。旦憶昔才郎。誰料分鴛折散。
鸞鳳時時念想。悲介無限悽惶。淚雨千
行。生請免愁煩。旦倉皇春霖忽降。幸君
家寶舟附往。頓教奴如承寵貺。縱無端
邂逅。怎敢相忘。

丑雨止哉。待表解子纜。呀好滑開船
哉。

前腔生聽伊行教人泪汪。輕俏聲兒細
訴衷腸。使我心兒悒快。想他鸞雁孤飛。
較我更淒涼。癡想我。愿把斯官人有何
說話。生微笑介。斯碎生背唱。愿把誓盟
深講。怎能教雙雙同效鸞凰。細思之。恐
伊家不允。空使我徬徨。

丑到哉上岸罷。旦青兒清早出門忘。

帶零錢，你可問許官人借應，到家奉
還。**生**何妨？船家二位小娘子的舟金
都在此，請收了。**丑**多謝官人。**生**請上
岸罷。**貼**娘娘你看雨又不止，到家尚
遠，怎麼處。**旦**便是。**生**不妨，小生有把
舊傘寄在前面朋友人家，二位在此
少待，我去取來，與二位打了回去罷。

且貼如此甚好，只是不當。生好說船

家我去就來，煩你暫等片時。丑應介

生下貼：娘娘，你看那許官人，好不十

分有情，他方纔呵。

黃龍滾私懷暗忖，量你兩下春心蕩。天
賜相逢難捨，多情况真箇是德容工貌。
恰遇着恭儉溫良，若得一朝呵兩相當。

配成雙。便是我青兒也。覺心歡暢。

生持傘上貼。許官人來了。生正是傘

見在此。請二位上岸罷。丑要打子扶

手。生不消有我在。此丑看仔細。上岸

介丑先下。且只是種種承情。如何是

好。生豈敢。且這傘待奴明日着青兒

送還罷。生不消費心。小生明日還要

到府奉拜、何勞青姐貴步、**旦**只是那
有反勞之理、**生**好說、**貼**既如此、明早
我在門首等候、許官人便了、**生**天色
已晚、恕不遠送、請行罷、

尾聲**生**天仙何意從天降、**旦****貼**空拾得
百般愁况、**下**

生看仔細、慢慢兒行、哈哈、哈哈、妙阿、不

期今日無意中遇此佳人叙出許多
裏曲又約我明早到彼相會阿呀只
是今夜叫我怎生睡得着也

怎捱得玉漏深沉午夜長

况遇天仙隔錦屏

裴航

一溪風月共清明

許堅

鴛鴦自解分明語

南溟
夫人

何必崎嶇上玉京。
樊夫

詞曲賓自盡情竭致

第七齣

訂盟

貼上裝成金屋一青衣窈窕長同侍
玉妃。抵爲欲成人好事。不辭團扇立
朝暉。我青兒與娘娘昨日在舟中得
遇許官人。果然風流俊雅。我娘娘十
分憐愛。臨別之時。他說今日一定相
訪。只恐到來無處尋問。爲此娘娘着

我門前等候。正是易求無價寶。難得

有心郎。虛下

仙玉交枝。生上少年佳人。可喜得。龐兒

占盡春他眉灣。新月秋波韻。臉霞紅鬢
挽烏雲。一似廣寒仙子降。凡塵欸金蓮
香街步穩。這相思何日勾清。害得我神
魂不定。

我一路問來、此間已是雙茶坊巷了、
不知那一家是、**貼上**怎麼這時候還
不見來、**作**望見生介呀、許官人來了、
生正是來了、**貼**真信人也、我娘、娘已
等候多時、裏面請坐、**生**壽姐請、**貼**許
官人請、昨日多承會鈔、又蒙借傘、而
歸、感謝不盡、**生**些須小事、何足言謝、

貼許官人我有一樁喜事要對你說
生有何喜事貼我娘娘昨晚歸家在
我面前道及官人十分愛慕生嗔貼
况我娘娘獨居無倚欲把住介生爲
何不說了貼欲把終身相託不知官
人意下如何生青姐多謝你娘娘美
意但小生父母亡後一身落魄囊底

蕭然、雖承你娘娘雅愛、實難從命、**貼**
許官人、若說窘迫、我娘娘囊中自有、
何必憂慮、只是少頃娘娘面前、不要
說我是這樣說的。**生**這箇自然、**旦**內
喚介青兒、**貼**娘娘許官人在此、**旦**如
此、何不早說、**旦**上百年眷屬、三生定、
千里姻緣、一線牽、許官人萬福、**生**小

姐拜揖。旦重蒙枉過，有失奉迎。生敢
勞小姐玉趾。旦請坐。生有坐。旦夜來
遇雨多蒙照拂。生些須小事，何足挂
齒。旦請問官人尊庚多少。生虛度二
十貼阿呀。如此我家娘娘倒長一歲。
旦請問官人作何生理。宅上還有何
人。生不瞞小姐說，先君在日曾爲藥

材生理不幸。椿萱見背，只得依傍姐
夫身畔。今權在鐵線巷生藥舖中勾
當。且咳可憐。貼娘娘你昨晚說有甚
麼言語。要對許官人講。于今許官人
在此沒說呢。說且奴家有一言奉告。
生不知小姐有何見諭。且只是不好
啟齒。貼娘娘你的心事。就對許官人

說也不妨。**生**是阿就說何妨。**旦**咳。**貼**
說噫。

忒忒令**旦**我吐裏腸恐君家不從。**生**小
生自當從命。**旦**愛雅量周旋出衆。念奴
歌寡鵠不由人悲勵。**生**請免愁煩。**旦**因
妄想託絲紅。若不棄相憐藉。願把同心
結送。

生豈敢。
貼許官人，你有何說話也。對
我娘娘說。
生小姐，噯。

沉醉東風，你氣吹蘭可人意中。色如玉
天生嬌寵，深愧我一凡庸。怎消受金屋
芙蓉。

貼許官人，你既未娶我家娘娘，又是
隻身，況且二人年貌相當，到不如成。

就百年姻眷。却不是好生。青姐。但小

生呵。

憾吾生才麤闖茸。貼這是我娘娘情愿

相攀。你何必躊躇。生仔細尋思。銘感在

衷。祇家徒四壁。實難承奉。

貼娘娘許官人說。祇為家寒。所以不

肯應承。且這個何妨。囊琴壁立。長脚

蓋世風流。推髻釵荆。德耀人稱雅操。
何必以貧介意。**生**既蒙小姐不棄。小
生只得顛頭從命了。**旦**青兒官人想
未用飯。快備早膳伺候。**貼**昨知官人
要來。早已完備了。**旦**如此看酒來。官
人請坐。**生**請**貼**官人**生**怎麼**貼**娘娘
旦噯**貼**福介恭喜賀喜。**旦**作色生笑

介旦青兒你在我箱籠內取兩錠銀
子出來貼曉得下旦官人回去卽央
媒說合早成美事生小生到家卽央
我姐姐姐夫來說合便了

園林好旦早成全和鳴肅雖休要做孤
鸞隻鳳喜今日關雎洛誦生和樂處兩
融融和樂處兩融融浪介

川撥棹貼持銀上多情種官人生哈哈

貼你悞入天台有路通

雙娘銀子在此旦官人奴有白銀兩

錠聊以相贈倘若欠缺奴家還有生

既蒙娘子推愛使小生不勝感激旦

官人說那里話

祇因你意醞情濃祇因你意醞情濃致

挑奴琴心肯從。自今呵喜絲蘿得附喬松。
松願絲蘿永附喬松。

生 小生就此告別。
貼 我每送了官人

出去

尾聲合 梅花玉笛聲三弄。怕驚醒羅浮香。
夢生 小奴。夏早栽得你的情苗。在我意中。

小姐請進去罷。且官人慢行。生請難
得他一片好心。下且目送介。貼去遠
了。且啐。貼還要看甚麼。且進去罷。貼
娘娘。且怎麼。貼官人回去一定火媒
說合。且便是。貼你兩人。你兩人若成
了親事。哎。啲。啲。且啐。胡說。下貼笑下
透漏停頓處可味

第八齣 避吳

羽調 引子 小蓬萊 老旦上 裙布蓬門相守感
韶光荏苒如流 連枝更念荆花獨植 使
我心憂

妾身許氏 幼適李門 我丈夫李君甫
在錢塘縣中當充馬快 夫妻兩人將
就過活 到也罷了 我有一兄弟名喚

許宣丈夫薦他在藥舖中生理。但他年已長成，我意欲門當戶對，與他覓頭親事。倘日後生得一男半女，也不絕許門後嗣。且待丈夫回來，與他商議便了。正是：婚姻天久定，親戚自相關。
關虛下

四時花生上巳是心盟訂，何時賦好迷。

因此上特把冰人來叩

見老旦介 姐姐拜揖 老旦 兄弟回來

了、我正在此想你哩、今日敢是得暇、

來看你姐夫麼、**生** 正是一來看望姐

夫姐姐、二來有事相商、**老旦** 有何事、

生 姐姐聽你兄弟慢慢說來、前日呵、

步東風上塚歸來、喚小艇一篙碧、陂河

洲忽逢着雨瀟瀟有佳人附舟老旦
那女子姓甚麼是何等樣人家生是前
任白太守的小姐香山後現文君新寡
風流他攜着一侍兒也因上塚歸來老
旦他說甚麼來生他暗憐我夢蝴蝶臥
秋齋西風獨愁

臨別之時借傘與他再三囑我次日

到他家去相會。**老旦**你可曾去。**生**怎麼不去。

兩下裏逗琴心筵前獻酬。好煞了情意。雙投贈。未提良緣天湊。**出銀介**這不是那小姐贈我的。叫我央人撮合。但恨無媒。爲此來將姐姐姐夫求。

老旦妙阿。兄弟。你無意中遇此奇緣。

豈可錯過你且進去少坐我安排些
酒飯與你喫待你姐夫回來與他商
量便了生全仗姐姐加次老旦這個
自然生虛下

排歌副淨李仁上咳這是那裏說起大
盜無踪翻遭痛比飛災着甚來由

老旦呀官人來了爲何
悶坐不語介

今日這般愁悶端的爲甚事來副淨
娘子不要說起只爲庫中封鎖不動
失去元寶四十錠本官着急立限我
緝獲賊贓我向衆夥計緝訪多時毫
無踪影方纔責比回家這等沒頭腦
的事情如何結案老旦阿呀原來如
此這怎處沉吟介急也沒法且陪我

兄弟喫杯酒暖痛再處生上姬夫拜
揖副淨原來舅子在此老旦我兄弟
有一事與你相商副淨何事老旦他
前日去爹娘坟上祭掃回來遇着前
任白太守的小姐帶了侍女青兒因
雨搭船偶然閒話得知兄弟尚未婚
娶那小姐亦係寡居因欲把終身相

託昨日約他到彼、以禮相待、叫他央
媒說合、我兄弟因此今日特來託你、
那小姐又贈他花銀百兩、以爲聘資、
出銀介、你看好麼、真個難得、
副淨見銀驚介、呀、娘子不好了、你兄弟性命
休矣、老旦、呵呀、却是爲何、
副淨、現今縣主出榜緝獲
賊、捉獲者賞銀五

十兩知情不首者、全家發邊遠充軍、
你看這元寶上、現有字號鈐記、正是
那賊銀、如何是好、生慌跪介、我那裡
曉得有許多緣故、于今没法、只求如
夫救我一救、**老旦**官人、可念骨肉之
親、商量個善策、

副淨、**賊**銀現在實堪愁、欲護姻親沒半

壽吾不首命難留兩全何處覓奇謀合
飛禍邁相輻輳恨殺傾城厚贈美成仇
老旦雖然如此還求官人搭救副淨
想介那白氏現居何處生就在薦橋
雙茶坊巷裏王府隔壁副淨噯這就
有處了生願聞副淨自古道三十六
計走爲上計你今速速暫避他方我

持此銀出首如有甚事我自支吾生
這個使不得副淨老旦却是爲何生
此是我惹出來的事豈可反貽累于
姐夫副淨不妨官府祇要贓賊我于
今總推在白氏身上拿得他主婢二
人你便無事了生背介咳那小姐待
我情分不薄只是于今也顧他不得

了。向副淨介。這等避往何處好。副淨
我蘇州有一相好王敬溪。現在吉利
橋開張飯店。我即刻脩書與你。可悄
悄到他那裡暫避幾時。生如此甚好。

副淨寫書介

浪淘沙敬老仁翁。浮文不叙。有舅途窮。
偶緣官事。尋思暫避。須良友。併與護虔。

懇憑心叩臨穎神馳李仁頓首

書已寫就你可收好爲我多多致意

老旦一路須要小心生兄弟就此拜

辭

尾聲副淨老旦無端官事相儻憊生急

難方識姻情厚合且暫效羅鳥高飛鯉

脫鉤生下

老旦

斷行哀響遞相催

崔塗

愁鎖鄉心掣不開

白居易

副淨

相別欲將何計免

姚鵠

相思那得夢魂來

孟浩然

舟遇訂盟劇中複叙兩遍後來李仁
吳叙一遍而各不相犯此妙全從左
國得來中間放走一着理所難行情

所應有脫卸頗輕便若舊本公然呈
首後來又覩顏受封殊不可爲訓匪
獨兩番刺配文法合掌堪嫌矣 此
折前舊有出差一齒刪之

第九齣 設邸

末上飯抄雲子白、酒壓鬱金香、主人
能醉客、何處是他鄉、老漢姓王、號敬
溪、本藉蘇州、在這吉利橋、開個小小
飯舖、安歇四方客商、年來生意頗有
興、頭前日杭州李君甫的小舅、姓許
名宜、因官事暫避于此、脩書着我照

看一二、我想君甫與我至交、難以推
却、留他在店樓住下、我已脩書回覆
使彼放心、這也不在話下、怎麼這時
候、還不收拾開店、小二貪睡了、待我
喚他出來、小二那裡、**丑**來哉、勿爲冷
飯頭、倒做熱酒保、好似滾盤珠、亦像
跋弗倒、阿爹叫我做僮、**末**我這客店、

左近並無勝似我家的。**丑**那原勿差。**僭末**只爲你每懶惰。**丑**那個懶惰。**末**以致少了許多主顧。**丑**僭個末。你看此時日高三丈。**丑**也還不要。**末**莫說那些碗盞七零八落。**丑**尋尋就是哉。**末**棹櫂東倒西歪。**丑**掣子起來就是哉。**末**連酒標也不撐起來。**丑**撐子起

來就是哉末地下也不打掃打掃丑
掃掃就是哉末只管貪睡丑骨碌子
起來就是哉末你別處去罷丑咳我
絕早就起來何嘗貪睡阿爹你介兩
目只管尋生討事你也要放出些良
心呀末呀你說甚麼丑我自從進子
你介店裡勿知替你打發子多少滯

貨、釐子多少銅錢銀子、那間腰包硬
哉、做起阿爹面孔、動弟動就拏我來
埋怨哉、**末**我這店中件件整齊、**丑**要
整齊阿、**末**色色精潔、**丑**要精潔阿、**末**
怎麼說是滯貨、**丑**差也勿多介是那
裡說起、清早拏我一派賠埋怨、

南呂
引子
大迓鼓
末我家這店姑蘇擅場門

迎駟馬、座滿貂璫、這些酒飯定價無虛、
誑紅如琥珀、滿杯光白似真珠、五里香、
前腔、丑、誰憐我走堂、添茶送酒、揀菜傳、
湯、朝夜奔來、兩腿脹、奉承入骨、口難張、
白水紅糖當酒漿、

末、不要說了、快些開店、免得悞了、丑、
顧丑、是哉、末、十千一斗酒如油、丑、還

是酒來還是油、**末**怎麼說、**丑**你說十
斗一斗酒如油、到底是酒呢還是油、
我倒有點勿明白、倘有主客來買招
接差子、又要怪我哉、**末**蠢才、酒如油
者、不過言其滋味厚也、怎生分作兩
樣、我倒好笑、**丑**原來是一樣個、我若
勿問明白一聲、幾乎差到底哉、**末**須

信古人言味厚

丑自然沽酒與伊油

末咳還不明白、怎麼了、**丑**我直頭明

白哉、**下**

一味插科打諢原可不存若爲交代
許宣到蘇何難後齣一筆帶過但藉
此爲正腳色惜力亦院本之一法

第十齣 護莊

南呂引子 虞美人末雅引外上 外最收地擅
湖山美。背負心如水。簿書何處不文章。
松少落花香。送到琴堂。

政簡牛刀暇。官清馬背高。鳴絃斷單
交。閒坐聽江湖。下官李本誠。字一卷
眞定行唐縣人也。兩榜出身。叨蒙聖

恩除授錢塘令、到任三載、喜得訟餘
多暇、民吏相安、不意前夜庫中封鎖
不動、失去帑銀四寸錠、深爲可異、爲
此一面懸掛榜文、一面比捕緝獲、恰
纔退食私衙、又值午堂時分、不免出
堂理事一番、分付開門、衆應介、副淨
上、江值坐堂、不免報門、捕快李仁告

進捕快李仁叩頭。出銀介。稟老爺。賊有了。外這是何人竊取。細細說來。

副淨爺爺聽稟。

南呂過曲

梁州新郎

梁州序

清明時節。偶借舅

子。名喚許宣。在小酌。丈人墳上祭掃歸。艇俄看雨至。忽逢窈窕泥濘。願附舟迴。

外後來如何呢。

副淨

水窓閒話。弱質無

依他問知許宣年少未娶，托終身願把紅絲繫。詰朝約會在深閨，盟結綢繆誓不移。
賀新只因許宣辭以家貧，他緣厚贈襄嘉禮，央小的呵做媒人爲結成連理。因悄悄稟知此。

外那女子姓甚，是那里入氏。副淨是前任白太爺的小姐，招贅寡居于此。

就在襄王府隔壁，又有一侍女名喚青兒。
外：這又奇了，那白太守是我年伯，他家之事，我盡知之，未聞他有女贅居于此。
沉吟介：莫非其中有假麼？
柰子花：聽伊言，使我心疑。綠林豪舉宦女，怎能爲樂天久聞金鑿逝，這疑團實難詳悉。
副淨：只求老爺將白氏青兒拿

來一問便知端的。**外**差你拘訊彼莫教
驚避。

副淨是**外**你可喚許宣來作賬立刻
同去將白氏青兒拘來不得遲悞。**副**
淨稟老爺小的已知白氏居址此事
不可稍遲若待喚到許宣恐有洩漏
非便不若小的悄悄卽刻就去。獲中

捉驚手到拿來外汝言甚是有理便
可速去掩門外下副淨駭計我每快
去快去

仙呂六么令合火速前往到他家拿捉窩
藏咱們手段甚高強如虎兇似豺狼管
教一見魂飛喪管教一見魂飛喪

衆來此已是雙茶坊巷這是裴王府

的住宅不知那一家是且喚地方一
問便知明白地方那里(丑)來哉地方
地方兩脚奔忙刻位火叔有甚事務
(衆)此處袁王府間壁可有個姓白的
女子住下(丑)大叔又來哉我從小住
在此地方做老里哉那里有姓白個
住在此(副)淨就是袁王府的宅子(丑)

裴王府麼，因有妖怪出現，渠搬到東
關居住。這所房子一向無人住。我裏
面青草一人長，妖怪成團打塊。前日
有個叫化子，睡在屋簷底下。半夜裏
衆怎麼樣？**丑** 挖察一聲，答落肚皮裏。
哉衆阿呀，不信有這等事。貼上嗽介。
衆裏面有人聲，我每打進去。**丑** 使勿

得讓我看、看、看、竟有箇堂客在裏面、
風入松、貼、僊郎一去杳何方、我娘、娘、坐
盼、淒涼、教奴來至門前望、時刻想引鳳
求、鳳、衆、叩、門、介、開、門、貼、但願得其入洞
房、那時節、謝穹蒼、

衆、開、門、了、這、想、就、是、侍、女、青、兒、快、向
前、拏、住、貼、下、丑、哎、呀、放、手、放、手、列、位

是我衆是那個侍女呢丑不却那
里去了旦內喚介青兒外面是什麼
人擅入我寡婦之門丑咦你看樓上
有一個絕標緻的堂客在上副淨想
就是白氏了衆一定是他我每一齊
上去拿他便了

急三鎗合笑伊不忖量忒無狀敢胡強

拏你去受災殃

衆提各跌介且任了、你每這夥歹人、
爲何到我內室之中、是何道理、
衆吹、你這賊婦、竊取庫銀、還要嘴硬、
且咤、風入松、伊行休得太強、
梁笑、徒然逞臂、螳螂波中撈月、
空勞攘、指衆介、似撼樹、
蚍蜉伎倆、安肯與鼠輩爭強、
且遁去脫

羅網下

衆阿訥、阿訥、一霎時爲甚昏迷起來、
阿白氏呢、**副淨**方纔在這里的、料他
沒處藏躲、且到後房各處搜尋便了、
衆有理有理、

急三鎗合霎時間神悽惻、昏迷障、這潑
怪潛何方向、真詫異、好難詳、

四下並無踪影，只有一隻箱籠內裏十分沉重。我每且擡去回復老爺便了。忙將怪異事報與老爺知。同下

大透鼓末雜引外上外此案細尋思正當考績干係非微。

適差捕役前去拘拿白氏青兒爲何還不見到衆上走走捕役叩頭外白

氏帶到了麼、副淨小的奉筭鈞旨、到
雙茶坊巷拏捉、見門前冷落、迥非前
日所見、卽喚地方細問、說此屋乃是
環王府的宅院、常有鬼怪出現、無人
居住、小的每不信、同地方打將進去、
遍地青草、蛛網滿室、見一婦人、同着
個丫鬟、端坐在樓、小的每上前拏時、

只聽得一聲响亮、便不見了、四下尋覓、並無踪影、祇有一隻箱籠、十分沉重、不知何物在內、小的們不敢擅開、求老爺發落、**外**打開來看、**衆**稟爺、就是庫中所失之銀、**外**噯、有這等事、哈、哈、燕來、**衆**啟爺、三十八錠、連那二錠、共是四十錠、**外**真好怪事也、我原疑

是假托果不出吾所料

分明變幻如山鬼今始念國帑已無虧
也不必追尋怪魅所爲

把銀上庫衆應介外李仁明日來衙

中領賞副淨多謝老爺外分付掩門

外同衆下副淨謝天謝地一場沒頭

官事雪一般消化了李仁許宣你好

造化也快回家去報與老婆知道

似此詫異事我亦不信難怪官府狐
疑但難得不疑其誑而直疑爲妖正
雖已獲便不深究豈弟君子民之
母不其然乎